



Universitätsbibliothek Paderborn

Historiae Ecclesiasticae Pars ...

Historiae Ecclesiasticae Pars Secvnda, Qva Continentvr Socratis Scolastici
Constantinopolitani lib. 7. Theodoriti Cyrensis episcopi lib. 5

Christopherson, John

[Köln], 1569

De Iudeis qui in creta fuerunt, quomodo illis temporibus multi fidem
Christianam susceperint. Cap. XXXVII.

urn:nbn:de:hbz:466:1-12704

illius prouinciae incolas magnopere ad pietatem incitauit. Siluanus in aliis etiam vitæ officiis magna suæ bonitatis ostendit indicia. Nam cum clericos ex litigantium controuersiis quæstum facere videret, deinceps neminem ex clero Iudicem esse permisit, sed acceptis supplicantium libellis, vnum ex fidelibus laicis, quem æquo & bono fauere pro certo cognosceret, ei causarum cognitionem concordidit, sicque litigantes contentione & controuersia liberaruit. His de causis Siluanus maximam gloriā apud omnes conciliauit. Hæc de Siluano quanquam ab instituto videtur fortasse aliena, non tamen sine utilitate legentium sunt à nobis commemorata. Sed iam redeamus, vnde sumus dgressi, Maximiano igitur ad episcopatum Constantinopolitanum delecto, Bassio & Antiocho Coss. ad octauum Calend. Nouembbris, ecclesiæ status pacatus & tranquillus fuit.

De Iudeis qui in creta fuerunt, quomodo illis temporibus multi fidem Christianam suscepérint.

CAP. XXXVII.

Eodem ferè tempore, multi Iudei in Creta Christi fidem receperunt, tali calamitate ad eam rem inducti.

Iudeus quidam veterator se Moysen esse simulauit, de quo cœlo demissum dixit, vti Iudeos, qui illam insulam incolebant, per mare in continentem traduceret. Se namque eundem esse, qui olim Israelem per mare Rubrum dicens, conseruasset. Ad annum integrum nihil aliud moliebatur, quam ut singulas ciuitates totius insulæ peragraret, Iudeos in illis habitantes ad illud credendum impelleret, hortareturque vti omnes suas diuitias & possessiones relinquerent. Nam eos per mare aqua exciccatum in terram promissionis se trajectorum pollicitus est. Illi igitur eiusmodi vana & falsa spe in fraudem illeicti, omnia opera quibus vti solebant, deposituerunt, facultates ac fortunas neglexerunt, earumque potestatem illis, qui eas accipere vellent, permiserunt. Vbi dies profecti ab illo veteratore præstituta aduenit, ille præcedere, subsequi omnes cum mulieribus, & pueris coepérunt. Eos ergo ad promontorium mari imminens deducit: ex eo se in mare

A A 2 præci-

SOCRAT. HISTORIÆ

præcipitare iubet. Proinde, qui primi ad præcipitium accederant, ita faciunt: ac pars præcipitio obtriti, pars aqua demersi statim perierunt: & nisi diuina prouidentia illis prospectum fuisset, multo plures interiissent. Nam fortè fortuna aderant Christiani, quorum alij pescatores, alij mercatores fuerunt: hi nonnullos eorum aqua prope suffocatos (qui iam tum in calamitate constituti, suam amentiam agnoscere cœperunt) extrahentes conseruarunt: alios ne se in mare deiiceant, prohibuerunt, exitio eorum, qui ante se præcipites dedissent commonstrato. Iudæi tū fraude patefacta, cum temerariam ipsorum credulitatem incusarunt, tum Pseudomoysen illum occidere contenderunt. At eum nullo modo comprehendere poterant: quippe clam se ex eorum conspectu subduxerat. Vnde nonnullorum animis insedit opinio, eum exitialem Dæmonem fuisse, qui ad ipsorum gentis perniciem, hominis speciem induisset. Quocirca multi Iudæi in Creta ea clade impulsi, Iudaismo de-relicto, ad fidem Christi se transtulerunt.

De ecclesiæ Nouatianorum conflagratione.

CAPVT XXXVIII.

BReui tempore post, Paulus Nouatianorum Episcopus, et si vir reuera pius ante habebatur, tamen iam tum de eius sanctimonia multo maior opinio animis hominum concepta fuit. Constantinopoli fortè tale accidit incendium, quale nunquam antea accidisset. Nā magna pars urbis igni ita conflagravit, vt fortissima eius munimenta, & locus quidam publicus (qui Achilles dicitur) penitus vastarentur. Postremò ignis in ecclesiam Nouatianorum prope Pelargum sitam irrupit. Itaque Paulus, simul ac ecclesiam in periculum venire cerneret, ad altare profiliens Deo ecclesiæ conseruationem præcibus commendauit, neque præciuitate, & ecclesia illa præcari destitit. Deus igitur sicut rei eventus satis declarabat eius præces audiuit. Nam quāquam ignis in ecclesiam tum per ianuas, tum per fenestras irruerat, nihil tamen damni illi omnino attulit: quinetiam tametsi loca vicina flamma vndique vastauit, illam tamen ecclesiam igni circum circa quasi obfessam cernere licuit, eamque incendiij furorem diuinitus euicisse. Incendium vbi duo s